



## Universitätsbibliothek Paderborn

**R. P. D. Henr. Harphii Theologi Eruditiss. Ordinis  
Minorvm, Ac Rervm Divinarvm Contemplatoris eximij.  
Theologiæ Mysticæ Libri Tres**

**Henricus <Herpius>**

**Coloniæ, 1611**

De quatuor fructibus primis gloriæ, quæ ascribuntur animæ beatæ qui  
sunt claritas, securitas, suauitas, & tranquilitas. Cap. LV.

**urn:nbn:de:hbz:466:1-37362**

enarrabile gaudium, serena l<sup>a</sup>etitia, purum & perfectum, ac infinitum oblectamentum. O celestis mansio secura. O patria totum continens quod delectat. O pax super pacem, & indeficiens exultatio totius voluptatis diuinæ. Nam ibi præmium nostrum erit videre Deum, viuere cum Deo, esse in Deo.

*De quatuor fructibus primis glorie, quæ ascribuntur animæ beatae qui sunt claritas, secutitas, suauitas, & tranquilitas. Cap. L V.*

**V**eni de Libano sponsa mea, veni de Libano, veni, coronaberis. De qua profectò corona dicit Dominus in Apocal. *Esto fidelis usque ad Apoc. 2: mortem, & dabo sibi coronam vita.* Quæ scilicet in futuro perficietur duodecim fructibus gloriae, qui sunt duodecim gaudia, & vocantur à Psalmista delectationes, cum dicit: *Adimplebis me letitia cum vultu Psal. 15: tuus, delectationes in dexteratua usque in finem*, id est, delectabiles fructus ligni vitæ sunt in dexteratua, id est, gloria sempiterna. De his enim fructibus dicitur in Apocal. *Ostendit mihi Dominus fluminum aqua vinea, Apoc. 22: splendidum tanquam crystallum, procedentem de sede Dei, & Agni &c.* Fluminus autem iste currens per medium ciuitatis Hierusalem, significat affluentiam gloriae celestis à Deo emanantis in omnes Beatos. Nam fluminis à sede, id est, maiestate Dei Patris, & Agni, id est, Christi, procedens, est Spiritus sanctus, & tota substantia charitatis tam gratiarum quam gloriae, per quam, & in qua tota substantia summa Trinitatis derivatur, & omnibus in gratia & gloria Paradisi existentibus communiciatur: quæ nimis ubi Agno, secundam quod homo, meritorie & dispensatiue procedit. Et huius fluminis impetus levificat ciuitatem Dei, *Psal. 45: tam hic militarem per gratiam, quæ ibi triumphante per gloriam. Hæc est igitur corona stellarum duodecim, quæ mulier illa mirabilis in Apoc. 12: Apoc. 12: lyphi coronata legitur, quia comprehendit omnem gloriam Paradisi, & cuiuslibet Beati.* Vnde Psalmista ait: *Posuisti Domine in capite eius Psalm. 26: coronam de lapide pretioso, id est, de lapide topazio, qui vestitur colore omnium lapidum, significans totam gloriam Beatorum, cuius per vinculum charitatis particeps efficitur quilibet Beatus,* dicente Gregorio: *O felix hereditas, quam coheredum numerus non angustat, quæ & omnibus una est, & singulis tota, quæ tanto longior extenditur, quanto ad hanc multitudine percipientium dilatatur.* Videndum est igitur de quatuor primis fructibus gloriae, qui ascribuntur animæ beatae. Qhorum

Mm. 4. primus

Claritas.

primus est claritas, quam anima consequetur propter meritum fidei, qua scilicet intellectus perficietur & glorificabitur in cognitione summae veritatis. Nam merito fidei in vita gloria datur clara visio infalli- bilis veritatis, in perfecta intelligentia admirabilis excellētia Dei cognitæ in sua natura. Veruntamen quamvis essentia diuina videbitur ab omnibus in gloria, in illa tamen unus alio perfectius videbit eam, Iudeo tamen essentia diuinæ, quantum est de se, in eadem dispositio- ne permanente: sicut videmus quodd exteriori luce eadē manente lym- pidiores & perspicaciores oculos habens, clarioris eam videt, quam aliis minus lypidus & perspicax in oculis. Et hoc contingere potest ex tribus. Primo, ex lumine clariori, quod est lumen gloriae. Nam lumen gloriae perfectius erit in uno, quam in alio: & hoc ex virtute gratiae consummata, quæ propriè disponit ad videndum Deum: non quod sit immediata dispositio ad visionem Dei, sed quod per talēm gratiam ho- mo meretur sibi dari lumen gloriae, quo Dei videat essentiā, & diuinā percipiā claritatē. Sicut enim corpora celestia sunt magis vel minus splendida, secundū quod magis vel minus participat de lumine so- lis: sic Beati plus vel minus Deum vident, & claritate splendent, secundū quod magis vel minus de lumine gloriae participant. Secun- dō vero contingit ex ordine propinquiori. Nam secundū Dionysiu de celesti Hierarchia, superiores Angeli, tanquam propinquierunt, Deo clariori vident, quam inferiores: quam propinquitatem causat humili- tas, quæ meretur exaltationē & gratiam. Vnde quanto quis fuerit hu- milior, tanto in regno celorum efficietur maior, & Deo propinquior: quia ubi maior concavitas, ibi maior capacitas, & per consequētia maior felicitas. Tertio, ex virtute sublimiori, quia virtus est quadam dispositio mentis ad mensuram gloriae percipiendam: quia virtus propriè est charitas, cui soli adscribitur essentiale præmium, ut pote perficiens omne meritum. Et sicut charitas via distinguit mansiones per modum meriti, quia actus noster non habet quod ex substantia actus sit meritorius, sed ex charitate, qua scilicet informatur: sic charitas patriæ distin- guit mansiones per modū præmij, quia charitas patriæ quanto perfec- tor est in aliquo, tanto magis reddit Beatum diuinæ visionis & claritatis capacem. Nam ubi maior est charitas, ibi maius est desiderium. Desiderium autem quodammodo desiderantē facit patulū & aptum ad susceptionem boni desiderati. Et ideo qui de charitate plus habuit, Deum clarior videbit, & perfectior ac beatior apud eum in æternum manebit.

manebit. Quilibet tamen Beatus ita perfectè Deum videbit, quod eius  
capacitas totaliter implebitur, & perfectè quietabitur, ut nihil amplius  
volet, immo propter abundatiam fraternalis charitatis quilibet Be-  
atus in alijs amat, & sibi habere reputabit, quod alius habebit, quā-  
uis illud in se non habebit, ut postea latius videbitur. Secundus fru-  
ctus animæ est Securitas, quam ex merito spei memoria consequetur.  
Nam merito spei datur in vita gloria, secura possestio inamissibilis di-  
gnitatis & felicitatis, ita quod intelligentia & memoria sunt perfecte  
securæ de prædicta intentionis perpetuatione. Si ergo, secundum Au-  
gustinum lib. de moribus Ecclesiae, tanta est pulchritudo iustitiae, tan-  
ta iucunditas lucis æternæ, ut etiam si non liceret in ea amplius vi-  
tare quam viuis diei mora, propter hoc solum innumerabiles anni vi-  
ta huius, pleni delitijs & circumfluentia bonorum tempore alium recte  
meritoque contemnerentur, o quid igitur erit de visionis illius in-  
ammissibilitate assecurarari? O felix securitas, qua felicitas illa, in æternū  
Beatis communicabitur, ut fiducialiter dicant cum sponsa: *Tenui eum, Cant. 1.*  
*nec dimittam, sed quem cognoui summum bonum, amplectar in per-*  
*petuum summe charum.* Tertius animæ fructus est Suauitas, eo quod  
propter meritum charitatis humana voluntas perficietur, & glorifi-  
cabitur in suavitate divina, & charitate consummata: quam suavita-  
tem quidam vocant fruitionem: quæ nihil aliud est, quam summo  
bono clare viso, & securè possesto propter seipsum inhærente perfecti  
amoris vinculo. Et hoc est essentiale gaudium, alia cuncta gaudia Be-  
atorum in infinitum excedens. Sicut enim inter habitus viæ charitas  
est principalius donum: sic inter habitus patriæ, charitatis donum ob-  
tinet principatum. In patria vero nobilior habitus actum habet no-  
biliorem: ideo Deum perfectè diligere (qui scilicet actus est charitas  
patriæ) nobilissimus actus est animæ, in quo principalissima beatitudo  
consistit, de qua charitate videbitur inferius. Vnde secundum Bonauenturam in 4. Sentent. Deum videre, tenere, & amare in gloria Bea-  
torum omnino sunt coniuncta, ut qui Deum perfectè videt, etiæ per-  
fectè teneret & amat: tamen quia beatitudo animæ principalius est in  
actu voluntatis, quam in actu intellectus, eo quod voluntas nobilior  
est intellectu, & obiectum suum respicit sub forma nobiliori quæ est  
charitas, ideo in charitate patriæ beatitudo principalius consistit, licet  
merces Beatorum visioni magis approprietetur, eo quod in visione di-  
stinguitur status patriæ à statu viæ, qui est in fide, nō in visione. Quar-

N n

tus ani-

*Tranquillitas.*

*Philip. 4.  
Psal. 4.*

*Isaias. 32.*

tus animæ fructus est Tranquillitas, quam anima consequetur ex tribus prædictis. Nam videndo Dei pulchritudinem, & eorum, quæ in eo videbuntur, ac eum possidendo cum omnibus quæ in eo sunt, & hoc cum summa suavitate & consummata charitate, tanta in Deo tranquillitate & pace requiescit tota anima, quanta erunt tria præcedentia. Et hæc est pax, quæ exsuperat omnem sensum, ut dicat anima fidelis: *In pace in idipsum, id est, in pace, eternitatis, quæ pax est in idipsum, id est, immutabilis & inenarrabilis, dormiam in præsenti per spem, & requiescam, id est, perfectè quiescam in futuro.* Pax enim præsentis temporis non est in idipsum, quia sepe immutatur & variatur, sed in futuro, ut dicit Isaias: *Sedebit populus meus in pulchritudine pacis, & in tabernaculis fiducie, & in requie opulenta.*

*De quatuor secundū fructibus gloriæ, qui glorificato corpori adscribuntur, quæ sunt Luciditas, Impassibilitas, Subtilitas, & Agilitas. Cap. LVI.*

**V**eni de Libano sponsa mea, veni de Libano, veni, coronaberis. Inuenimus, ait Gregorius, quæ sit in Beatis festivitas visionis Dei, quæ latitia sine defectu, quis ardor amoris non crucians, sed delectans, quantum in eis desiderium sit, visionis Dei cum satietate, & satietas cum desiderio, in quibus nec desiderium prenam, nec satietas fastidium parit, quomodo inhaerendo beatitudini sunt beati, quomodo contemplando semper aeternitatem sunt aeterni, quomodo coniuncti semper vero lumini facti sunt lux quædam. Nam illa visio Dei tantæ pulchritudinis erit, tantoque amore dignissima, ut sine hac quibuslibet bonis prædictum, ac abundantem, non dubitet Plotinus. Philoplus, infeliciſſimum dicere. Fugiendum est, inquit Plotinus, ad illam præclarissimam patriam, & ibi patebunt tibi omnia, ubi Deus erit omnia in omnibus. Quid enim est, quod per Prophetam dicitur: *Ego ego illis Deus, nisi ego ero illis unde satientur?* & quæcumque ab omnibus honeste desiderantur, vita, salus, virtus, victus, copia, gloria, honor, pax, satietas, & omnia bona. Sic etiam intelligitur quod erit Deus omnis in omnibus, quia finis erit omnium desideriorum nostrorum, qui sine fine videbitur, sine fastidio amabitur, sine fatigacione laudabitur: hoc munus, hic affectus, hic actus erit omnibus sicut æterna vita communis. O Deus magne, mirabilis, & amabilis! Qui erunt oculi illi, qui te videbunt? quam sani, quam decori, quam valentes & con-

*1. Cor. 15.  
Ezech. 37.*